

Segunda Guerra Mundial y Boy Ecury, un heroe Arubano

Dia 10 di Mei 1940, e di diez chercito di Alemania, adelanta pa forza aereo a invadi Hulanda, usando e mesun tactica di "Blitzkrieg" (guera rapido, fulminante y cu hopi bombardeo aereo) cu a causa e caida di Polonia y Checoslovakia.

E resto di e forsan Aleman a drenta via di Zuid door di e bosquen di Ardenne. Dia 14 di Mei caba e comandante Hulandes a ordena un 'cease fire'. Ya 3 dia despues henter Hulanda tabata ocupa.

Pa dia 25 di mei e evacuacion heroico di 330 mil soldat di British Expeditionary Force y tambe hopi soldat di Francia, y demas paisnan aliado a tuma lugar for di e waf Frances di Dunkirk. Despues di esaki, henter west Europa tabata den man di Alemania Nazi.

Reina Wilhelmina hunto cu henter su Gobierno, top-ambtenaanan y comandancia militar a scapa den un operativo grandi di evacuacion pa por forma un Gobierno den Exilio, operando desde



Gran Bretaña.

Tabata tin ainda hopi teritorionan Hulandes cu no a ser ocupa ainda, manera por ehemplo Surinam y Antiyas Hulandes.

Hopi otro ambtenaar cu tabata funciona den hopi diferente pais a emigra bai Gran Bretaña pa yuda en gobernacion di tur e teritorionan no-Europeo.

E promer añanan di e ocupacion Alemania tabata caracteriza pa e expulsion di hudiwnan pa camponan di concentracion y tambe medidanan economico masha fuerte. Den esaki hopi colaborador a yuda door di duna informacion via registran di sector publico.

E Nazi-nan a instala un Gobierno marioneta den man di e austriaco Dr. Seyss-Inquart y tambe nan a establece un Partido Nacional Socialista (NAZI) Hulandes. A pesar cu hopi a tuma parti pa e invasornan, hopi tambe tabata esnan cu a join e partido y a colabora cu e

Alemannan usando nan posicion den e Gobierno de-facto pa pasa informacion valioso na esnan cu a dicidi di resisti e ocupacion.

Por ehemplo famia Leegsma di Den Haag, unda cu Agardus Leegsma, su ruman y su tata a join forza policial. Den e posicionnan aki nan por a tip hopi di esnan cu lo a ser deteni. Ora cu ya invasion a cuminsa for di D-Day en adelante, nan a yuda den e lucha pa libera resto di Europa.

Ser un miembro di resistencia tabata hopi dificil na Hulanda. Pa motibo di lazonan cultural y geografico fuerte di hopi siglo, hopi Hulandes tabatin simpatia cu Nazismo y hopi a resigna cu esey lo ta nan futuro. Ademas e frontera largo cu Alemania tabata haci cu e grip militar y di inteligencia tabata hopi fuerte 'riba Hulanda.

Asina ta cu traicion tabata na orden di dia. Bo no tabata sa ken pa confia. E lucha ta bira ainda mas dificil pasobra cu Hulanda ta un pais completamente urbaniza, caminda cu masha poco area di sconde a sobra. Pa motibo di tanto lagun, dijk, sloot, weilad habri sin ningun mata etc. Camindanan di transporta material y persona, sin cu e Nazinan por a ripara, tabata masha dificil.

E distancia cortico for di Hulanda centro di poder, logistica y municion di e ciudadnan grandi di Noord di Alemania tabata haci e animonan di resisti bira algo cu tabata reserva pa esnan cu mas curashi. Den e situacionnan dificil aki Boy a haye y a join e resistencia.

Hopi Hulandes tabata activo prin-

cialmente den salba bida di nan amigonan hudiwnan di henter nan bida y cu tin generacionnan na Hulanda. Tambe a sconde esnan den edad di servicio militar y hendenan di otro razanan cu tabata ser considera inferior pa e Alemanan di partido Nazi.

E actividadnan principal di e forsan di resistencia den sentido militar tabata, entre otro: sabotaje di equiponan di transporte, bomnan pa kibra truck y tankinan, kibra railsnan di trein pa daña e red di transporte, bula brugnan importante, scucha transmisionnan y manda informacion pa e Aliadonan cu base na Inglatera, y masha importante ainda tabata e rescate di e pilotonan y demas soldatnan cu ta cai cu nan avionnan door di batayanan aereo cu e forsan Nazi.

Boy Ecury a bai forma parti di e resistencia ora cu el a realiza cu e fi-



losfia Nazi ta discriminatorio. Tambe e tabata testigo di e violencia cu a compana e invasion y el a mira e resultado di e bombardeo di Rotterdam.

Binendo di un famia rico, Boy tabata tin un educacion solido y un orguyo di ta Arubiano y primordialmente Hulandes, cu ta kere den igualdad y libertad. Aruba tabata un pais unda ya e tempo ey caba Aruba tabata multicultural y hopi prospero, principalmente pa famia Ecury. E fortaleza di e caracter aki, su inconformidad cu e situacion cu el a haña aden a hibe na forma parti di resistencia, apesar cu esaki, na Hulanda, tabata un peligro hopi mas grandi pa motibo di e dominio casi total di forzan militar y tambe e colaboracion di hopi Hulandes mes cu a dicidi di traciona nan propio bandera pa esun di e ocupantenan Nazi.

Boy Ecury, heroe di resistencia Hulandes:

Mayornan di Boy Ecury a manda e y su ruman Nicky na e conocido instituto di "Proeders van St. Louis" na Oudenbosch, na Hulanda. Boy a bira su estudiante y a obtene su "Handelsdiploma". Boy tabata un muchu di paz, e fuerte y manero hopi

hoben, inconforme cu e autoridad descriminario cu tabata tin.

Despues di invasion Aleman na 1940, caminda cu e y su ruman Nicky a mira e desaster causa pa e bombardeo di Rotterdam, Boy Ecury a cuminsa drenta progresivamente den e movimiento di resistencia via di su amigo Luis de Lannoy. El a yuda pa saca plannan ilegal di resistencia for di Hulanda y tambe e tabata specialisa den bomnan di fosfor pa rementa truckan di carga militar Aleman. Tin biaha e suelo tabata bira mucho cayente bou di su pianan y e mester a move pa otro caminda. Por ehempel na 1942 el a sali for di Tilburg.

De Lannoy tabata e mentor di Boy, cu tabata un mucha homber hancra y di determinacion y corahe. E tabata tin un sentido fuerte pa husticia, pasobra e mes tabata hopi biaha victima di inhusticia social di descriminacion pa su color di cuero.

Boy tabata enamora di Srta. Kitty van Huijgevoort y nan tabata soña cu algun dia nan lo por tin un bida tranquil na Aruba. Boy mester a move algun biaha di ciudad una bez cu e e tabata bira mucho visible. E tabata destaca pasobra e tempo ey tabata tin masha poco hende di color bruin na Europa. El a sabotea liñanan di trein y tambe a yuda pilotonan di aliadonan bay bek pa Inglatera. De Lannoy, su mentor tabata tin un rol importante den resistencia y pa motibo di traicion el a ser deteni dia 10 di Februari, 1944. Boy a purba di sake for di prison, pero no a logra.

Boy a sigui den e movimiento di resistencia na Oisterwijk, Delft y Rotterdam. E tabata forma parti di e grupo "de Knokploegen", cu a planea entre otro e asesinato di un di e miembronan prominente di NSD (e partido Nazi Hulandes). Ariba un 5 di november 1944, Boy ta wordo traiciona y e ta ser deteni cerca di e edificio di seguridad "Sicherheidsdiens (SD)". Nan a hibe prison di Scheveningen y a condene na morto inmediatamente.

Dia 6 di November nan ta fusile na Waaldorpervlakte na Den Haag. E mesun lugar unda hopi hendenan di resistencia a ser fusile.

Na aña 1947 el a ser dera di nobo na Aruba. Na 1949 a dedica un estatua na su honor na L.G. Smith Blvd., banda di Julianaschool. Na aña 1984 el a ser honra, postumo, cu e condecoracion Hulandes "Nederlandse Verzetsherdenkingskruis".

Dia 21, 22, 23 di October
pueblo di Aruba lo tin e oportunidad di mira e bida di e heroe

Arubano aki. E pelicula ya a gana varios premio di prestigio Internacional, manera e "Columbine Awards" di Merca, e "Gouden Kalf" na Hulanda, De FipaD'or di Francia y awor e aña aki e promer lugar na Israel como mihor pelicula estranhero. E pelicula a ser produci pa Sherman de Jesus y dirigi pa Frans Weisz. E script a wordu traha pa Arthur Japin. E pelicula ta basa riba e boeki biografia di Boy, skirbi pa TED Schouten.

E expectativa pa mira e gran obra aki ta masha grandi. Carchinan lo cuminsa ser bendi mas trempa cu normal, esta for di awe mainta 10.30 na Cas di Cultura. Esaki ta debi na hopi yamada y demanda. Lo tin presentacion atardi diasabra y diadomingo specialmente pa scolnan y cu entrada na mitar di prijs. Fundashon e Brug y ECA events ta presentando e pelicula aki na Aruba.

